

resolvetur. Quinto modo, quantum ad ea in quibus homo suum affectum defixit; puta, in quibuscumque temporalibus rebus, quarum quedam cilius finiuntur, quedam diutius durant. Omnia autem hæc subduntur existimationi judicii divini. Et ideo de his omnibus perfectum et manifestum judicium haberi non potest, quamdiu hujus temporis cursus durat. Et propter hoc oportet esse finale judicium in novissimo die, in quo perfecte, id, quod ad unumquemque hominem pertinet quocumque modo, perfecte et manifeste judicetur.

Ad primum ergo dicendum, quod opinio quorundam fuit, quod animæ Sanctorum non preminentur in cœlo, nec animæ damnatorum vniuntur in inferno usque ad diem judicii.

Quod quidem apparet falsum, ex hoc, quod Apostolus, 2 ad Cor. 5, dicit: Audemus, et bonam voluntatem habemus magis peregrinari a corpore, et præsentes esse ad Dominum;

quod est jam non ambulare per fidem, sed per speciem, ut patet ex his quæ subsequuntur. Hoc autem est videre Deum per essentiam, in qua consistit vita æterna, ut patet Joann. 17.

Unde manifestum est, animas a corporibus separatas esse in vita æterna. Et ideo dicendum est quod post mortem, quantum ad ea quæ sunt animæ, homo sortitur quedam immutabilem statum. Et ideo quantum ad præmium animæ, non oportet ulterius differri judicium. Sed quia quedam alia sunt ad hominem pertinentia, quæ toto temporis cursu aguntur, quæ non sunt aliena a divino judicio, oportet iterum in fine temporis omnia hæc in judicium adduci. Licet enim homo secundum hæc non mereatur neque demereatur, tamen pertinet ad aliquod ejus estimari in finali judicio.

Ad secundum dicendum, quod Deus non judicabit bis in idipsum, id est, secundum idem, sed secundum diversa non est inconveniens Deum bis judicare.

Ad tertium dicendum, quod, licet præmium vel pœna corporis dependeat ex præmio vel pœna anime, tamen quia anima non est mutabilis, nisi per accidens, propter corpus, statim separata a corpore habet statum immutabilem, et accipit suum judicium. Sed corpus remanet mutabilitati subjectum usque ad finem temporis. Et ideo oportet quod tunc recipiat suum præmium vel pœnam, in finali judicio.

Sed contra est quod Apostolus dicit, 1 Cor. 6: An nescitis quoniam Angelos judicabimus? Sed Sancti non judicabunt, nisi auctoritate Christi. Ergo multo magis Christus habet judiciariam potestatem super Angelos.

Respondet dicendum, quod Angelos subsunt judiciariae potestati Christi, non solum quantum ad divinam naturam, prout est Verbum Dei, sed etiam ratione humanae naturæ. Quod-

COMMENTARIUS.

Divus Thom. in titulo unum supponit, scilicet, fieri in præsentii tempore privatum judicium; aliud vero inquirit ac probat, scilicet, futurum aliquando universale judicium, et quoniam de utraque re fusius disputatur sumus, et sententia D. Thom. satis perspicua est in textu, ideo hic nihil addendum superest. Quæstio vero gravis (quam D. Thomas attingit in solutione ad 1), an animæ justorum, statim ac separantur a corpore, et sunt plene purgatae, videant Deum ante diem judicii, non est hoc loco disputanda; pertinet enim ad materiam de beatitudine.

ARTICULUS VI.

Utrum judiciaria potestas Christi se extendat ad Angelos.

1. Ad sextum sic proceditur. Videatur quod potestas Christi judiciaria non se extendat ad Angelos. Angelii enim, tam boni quam mali, judicati sunt a principio mundi, quando, quibusdam cadentibus per peccatum, alii sunt in beatitudine confirmati. Sed illi, qui judicati sunt, non indigent iterum judicari. Ergo potestas judiciaria Christi non se extendit ad Angelos.

2. Præterea, non est ejusdem judicare et judicari. Sed Angelii venient cum Christo judicatur, secundum illud Matth. 25: Cum venerit Filius hominis in maiestate sua, et omnes Angeli cum eo. Ergo videtur quod Angelii non sint judicandi a Christo.

3. Præterea, Angelii sunt superiores aliis creaturis. Si ergo Christus est iudex non solum hominum, sed etiam Angelorum, par ratione erit iudex omnium creaturarum. Quod videtur esse falsum, cum hoc sit proprium providentiae Dei. Unde dicitur Job 34: Quem constituit alium super terram, aut quem posuit super orbem, quem fabricatus est? Non ergo Christus est iudex Angelorum.

Sed contra est quod Apostolus dicit, 1 Cor. 6: An nescitis quoniam Angelos judicabimus? Sed Sancti non judicabunt, nisi auctoritate Christi. Ergo multo magis Christus habet judiciariam potestatem super Angelos.

Respondet dicendum, quod Angelos subsunt judiciariae potestati Christi, non solum quantum ad divinam naturam, prout est Verbum Dei, sed etiam ratione humanae naturæ. Quod-

DISPUTAT. LII. SECT. I.

patet ex tribus. Primo quidem, ex propinquitate naturæ assumptæ ad Deum, quia, ut dicitur Heb. 2, nusquam Angelos apprehendit, sed semen Abræ apprehendit. Et ideo anima Christi magis est repleta virtute Verbi Dei, quam aliquis Angelorum, unde et Angelos illuminat, sicut Dion. dicit, 7 c. Cœl. hierar.; unde de eis habet judicare. Secundo, quia per humilitatem passionis humanæ in Christo meruit exaltari super Angelos, ita, sicut dicitur Phil. 2, ut in nomine Jesu omne genu flectatur, cœlestium, terrestrium et infernorum. Et ideo Christus habet judiciariam potestatem, etiam super omnes Angelos, et bonos et malos. In cuius signum dicitur, Apocalys. 7, quod omnes Angeli stabant in circuitu throni. Tertio, ratione eorum quæ circa homines operantur, quorum Christus speciali quodam modo est caput. Unde dicitur Heb. 1: Omnes sunt administratori spiritus, in ministerium missi, propter eos qui hereditatem capiunt salutis. Subsunt autem judicio Christi, uno quidem modo, quantum ad dispensationem eorum quæ per ipsos aguntur, quæ quidem dispensatio fit etiam per hominem Christum, cui Angelii ministabant, ut dicitur Matth. 4, et a quo dæmones petebant ut in porcos mitterentur ut dicitur Matt. 8. Secundo, quantum ad alia accidentalia præmia bonorum Angelorum, quæ sunt gaudia quæ habent de salute hominum, secundum illud Luc. 15: Gaudium erit coram Angelis Dei super uno peccatore penitentiam agentem; et etiam quantum ad pœnas accidentiales dæmonum, quibus torquentur vel hic, vel recluduntur in inferno. Et hoc etiam pertinet ad hominem Christum. Unde Marc. 1 dicitur quod dæmon clamavit: Quid nobis et tibi, Jesu Nazarene? venisti ante tempus perdere nos. Tertio, quantum ad præmium essentialie bonorum Angelorum, quod est beatitudo æterna; et quantum ad pœnam essentialiem Angelorum malorum, quæ est damnatio æterna. Sed hoc factum est per Christum, in quantum est Verbum Dei, a principio mundi.

Ad primum ergo dicendum, quod ratio illa procedit de judicio quantum ad præmium essentialie, et pœnam principalem.

Ad secundum dicendum, quod, sicut dicit August., in lib. de Vera religione¹, licet spiritualis judicet omnia, tamen judicatur ab ipsa veritate. Et ideo, licet Angelii, ex eo quod sunt spirituales, judicent, judicantur tamen a Christo, in quantum est veritas.

¹ C. 31, tom. 1.

Ad tertium dicendum, quod Christus habet judicium non solum super Angelos, sed etiam super administrationem totius creaturæ. Si enim (ut August. dicit, in 3 de Trin. ¹) inferiora quodam ordine reguntur a Deo per superiora, oportet dicere quod omnia reguntur per animam Christi, quæ est supra omnem creaturam. Unde et Apostolus dicit, Heb. 2: Non enim Angelis subiect Deus orbem terræ futurum (scilicet, subiectum ei de quo loquimur, id est, Christo). Nec tamen propter hoc alium constituit Deus super terram, quia unus et idem est et Deus et homo, Dominus Jesus Christus. De cuius incarnationis mysterio ad præsens dicta sufficiant.

Littera est clara, de re vero ipsa dicemus postea.

DISPUTATIO LII,

In duas sectiones distributa.

DE JUDICIARIA CHRISTI POTESTATE, ATQUE EJUS USU.

Expedivimus superioribus disputationibus omnia quæ de priori adventu Christi, totoque illius progressu ab incarnatione ex Virgine matre, usque ad redditum in cœlum ad Patrem, dicenda occurserant; postulat ergo doctrinæ ordo et complementum, ut de posteriori Christi adventu disseramus. Quia vero hujusmodi adventus in judiciaria potestate Christi Domini nititur, idecirco disputatio de hac potestate nobis præmittenda est, quæ in hunc etiam locum a nobis est in superioribus rejecta, tum ut D. Thomæ teneamus ordinem; tum etiam quia usus hujus potestatis maxime videtur Christo convenire in statu gloriæ. Nam de priori adventu ipse dixit Joann. 3: Non misit Deus Filium suum in mundum ut judicet mundum, sed ut salvet mundus per ipsum. Dicemus igitur, quæ ratione data sit Christo hæc potestas, et quid illa sit, et quinam usus ejus, ac denique quando haberi seu exerceri cœperit.

SECTIO I.

Quæ sit potestas judicandi Christo data, et quæ ob causam, et ex quo tempore.

1. Sensus hujus quæstionis, et omnium quæ in sequentibus disputationibus explicande

¹ C. 4, tom. 3.

sunt, est de Christo secundum humanitatem specificative, an illi vel secundum illam data sit Christo judicandi potestas. Ubi primo referri posset error eorum, qui generatim negant futurum esse judicium de humanis actibus. Nam, si Deus ipse judicaturus non est, nec per humanitatem judicabit. Fuerunt autem in eo errore omnes Gentiles, qui vel animi immortalitatem, vel divinam providentiam ignorarunt, contra quos alii in locis agendum est, et valere possunt multa ex iis quae de resurrectione diximus. Multi etiam ex antiquis haereticis in eodem versati sunt errore, ut Gnostici, Borboriani, Manichaei et alii, ut videre licet in Philastro, Prateolo et Castro. Antiquiores enim Patres, recensentes horum haereticorum errores, nullam hujus mentionem fecerunt; est autem valde verisimile in eum incidisse. Negabant enim libertatem arbitrii, Deumque faciebant malorum auctorem, et alia similia docebant, ex quibus omnis ratio et necessitas divini judicii manifeste tollitur. Contra hanc vero haeresim affremus apertissima testimonia, sectione sequenti, et in sequenti disputatione, sectione prima.

2. Secundo, referri hic solet opinio Scoti in 4, dist. 48, quest. 1, negantis Christo datam esse potestatem judicandi, quae potest fundari in verbis ejusdem Christi: *Sedere ad dexteram meam vel sinistram, non est meum dare vobis.* Ex quibus colligi etiam potest ratio, quia judicium includit voluntatem efficacem retribuendi talem ac tantam poenam vel praemium, pro iis aut illis operibus bonis aut malis; sed potestas definiendi singulis operibus talem retributionem, et potestas etiam conferendi tale praemium, non convenit Christo secundum humanitatem, sed est proprium divinae voluntatis ac potestatis; ergo Christus, secundum humanitatem, non habet hanc potestatem. Sed, quamvis Scotus in modo procedendi illius questionis videatur D. Thomae sententiam reprehendere, tamen re ipsa nihil diversum sensit neque sentire potuit, quia *vix* est hic locus opinionibus, cum Catholica doctrina fere sit manifesta.

3. *Christo ut homini potestas ad judicandum data.* — Primo ergo certum est, Christo Domino, quatenus homo est, seu in humanitate sua datam esse specialem potestatem ad ferendum judicium in iis quae pertinent ad praemium vel poenam, aeternam salutem, vel damnationem. Ita D. Thomas hic, et in 4, distinct. 48, ubi omnes Theologi

idem docent. Et satis probatur testimonis Scripturæ explicatis in comment. art. 1 et 2 D. Thom., et testimonis Sanctorum Patrum que in eorum explicatione retulimus; convincitur etiam testimonio Petri, Actor. 19: *Et præcepit nobis prædicare populo, et testificari quia ipse est qui constitutus est a Deo judec rororum et mortuorum.* Ubi sermonem esse de Christo ut homine evidens est ex ipso contextu. Nam immediate ante illa verba docuerat Petrus mysteria passionis et resurrectionis Christi; et proxime post illa, docet solum ipsum esse mediato rem per quem peccatorum remissionem con sequimur. Item verba illa, *Constitutus est a Deo*, aperte declarant illud esse opus ad extra libere a Deo factum, atque adeo non convenire Christo ut Deo, sed ut homini. Prout apertissime etiam declaravit Paulus, Act. 19, dicens de Christo: *In quo judicaturus est or blem in equitate, in viro, in quo statuit, fidem præbens omnibus, suscitans eum a mortuis.* Denique hoc ipsum evidenter convincit quae infra dicemus de universalis judicio. Ostendemus enim, ad illud faciendum, iterum esse Christum in terram descensurum; ergo habet judicariam potestatem in humanitate et per humanitatem exercendam. Nam si per solam divinitatem judicaturus esset, non oporteret secundum humanitatem descendere ad judicandum. Rationes hujus veritatis in commentariis Div. Thomæ insinuatae sunt, et statim amplius explicabun tur.

4. *Potestas judicandi, Christo in humanitate data, secundaria tantum et quasi ex commis sione Dei.* — Secundo dicendum est, hanc potestatem Christo in humanitate datam non esse primariam, sed secundariam, et quasi ex commissione Dei datam, nihilominus esse veram et propriam judicandi potestatem. Priorem partem docet Scotus supra, et illam tantum probat ratio ex eo addueta; sed im merito illam objicit contra D. Thomam, cum expresse hic idem omnino doceat. Et probatur aperte, quia primaria potestas judicandi in causis animalium, prout nunc loquimur, hæc omnia includit: primum, independentiam ab omni superiori potestate; secundo, supremam auctoritatem in decernendis praemiis vel poenis singulorum hominum; tertio, quod hæc potestas habeatur ex intrinsecis et essentialibus principiis naturæ; hæc autem ita conveniunt Deo ut Deus est, ut nequeant humanitati communicari. Omnis nam-

que potestas et actio humanitatis dependens est a divinitate, praemiumque ac poena singularis operibus debita, divina voluntate ac sapientia taxata sunt, non humana, etiam ipsius Christi. Quia sicut Deus est supremus legislator et gubernator hominum, ita ad illius providentiam spectat debita meritorum praemia taxare. Unde etiam ante Christi incarnationem singulis operibus, tam hominum quam Angelorum, certum ac definitum praemium vel poena respondebat. Denique, quidquid potestatis habet Christus homo in hoc judicio, non convenit illi ratione humanitatis, seu ex principiis illius; sed datum ei est vel propter unionem ad divinam personam, vel propter infinitum meritum. Non potest ergo hæc potestas Christi ut hominis esse æqualis divinæ, et consequenter neque primaria et suprema; erit ergo secundaria, et subordinata divinæ potestati, et ab illa manans. Et hoc sensu dicitur esse quasi delegata, et ex commissione Dei, quamvis sub alia ratione dici possit potestas ordinaria in suo ordine, quia convenit Christo ratione proprii munieris et officii, quatenus est summus Sacerdos ac spiritualis rex, ratione cuius convenit illi potestas excellentiæ, ut in priori tomo diximus, disp. 47 et 48, ubi fere omnia, quae diximus de Christi dominio et potestate jurisdictionis, ad præsentem judicariam potestatem possunt accommodari.

5. *Objectio.* — Sed hinc oritur difficultas, propter quam postremam conclusionis partem proposui. Videtur enim sequi, hanc Christi potestatem non esse proprie judicariam, cum non tam sit ad proferendum judicium et sententiam, quam ad promulgandam sententiam a Deo latam; promulgare autem sententiam superioris judicis non est judicare (ut per se constat), sed solum alterius judicium ad aliorum notitiam deferre. Primum antecedens declaratur, quia Deus, lege sua ac voluntate, statuit retributionem unicuique operi respondentem. Unde fit ut omni homini in tali statu, et cum talibus operibus dissecenti, ex definito Dei decreto ac judicio, talis ac tanta poena debeat; ergo sententia jam est lata divino judicio. Nihil ergo superest per humanitatem agendum, nisi hoc solum quod illa sententia promulgetur. Dices, etiam superesse ut executioni mandetur. Sed contra primo, nam hoc etiam non fit judicando; executores enim sententiae, sive per se, sive per alios id faciant, non sunt judices, sed judicium ministri. Secundo, si loquamur

de executione sententia quoad præmium bonorum, hæc immediate fit ab ipso Deo; solus enim ipse potest homini beatitudinem conferre, qua est præmium bonorum operum. Si vero sit sermo de supplicio malorum, hæc non proprie mandatur executioni per humanitatem Christi, nisi solum quatenus per ipsam sententia supremi judicis hominibus damnatis, vel malis Angelis intimatur. Nam statim ignis torquet damnatum, non ut instrumentum humanitatis Christi, sed Dei, et homo privatur aeterna beatitudine, absque actione humanitatis, sed solum quia Deus non confert illam. Desperatio vero et tristitia, quæ inde dimanant in damnato, minime profiscuntur ab humanitate Christi, sed ab intrinsecis facultatibus cum concursu Dei. Ac denique, quidquid ministerii dæmones exhibent in hoc negotio, non tam est ex Christi imperio quam ex aeterna Dei lege, si de divino judicio ac sententia illis constet.

6. *Responsio: facultas Christo in humanitate ad judicandum data, vere ac proprie judicaria potestas.* — *Actus judicandi quidnam requirat.* — Nihilominus postrema pars conclusionis verissima ac certissima est, nimirum, hanc Christi potestatem, vere, proprie et simpliciter esse judicariam potestatem. Quod imprimis satis probant adducta in prima conclusione. Quia, nisi hæc vere esset judicaria potestas, Christus homo non esset vere ac proprie judex, neque actus ejus esset verum judicium; falsum ergo esset Patrem dedisse Filio potestatem *judicium faciendi, quia Filius hominis est*, aut Christum esse *constitutum judicem rororum et mortuorum*. Secundo declaratur a simili, quia Christus ut homo est verus Rex, et habet verum excellensque dominium creaturarum, quamvis in eo ordine non sit supremus, sed subordinatus regno et dominio divinitatis; similiter habet Christus ut homo veram potestatem jurisdictionis ad ferendas leges, et constituenda aliqua media ad salutem necessaria, quamvis secundum hanc potestatem subordinetur divinae voluntati ac beneplacito; ergo eodem modo non repugnat habere veram potestatem judicariam inferiorem divina, illique subordinatam. Tertio declaratur ex re ipsa; nam in actu judicandi multa considerari possunt. Primum est lex, quæ est veluti regula ac mensura judicii ferendi, judiciumque antecedit, et in præsenti est divina voluntas, qua statuit ut tali operi tanta poena vel præmium respondeat, et hoc sine dubio

factum non est per humanitatem Christi, sed lege mere divina ac æterna stabilitum est; tamen hoc non pertinet ad judicariam potestatem intrinsece ac necessario, nisi fortasse illa in ordine suprema sit. Aliud enim est legem ferre, aliud vero secundum legem judicare, quod est quasi applicare legem ad opus, secundum merita cause. Definire ergo præmium vel poenam operis ad legislatorem spectat. Quanquam ergo Christus secundum humanitatem non habeat hanc potestatem, potest nihilominus habere veram potestatem judicandi juxta legem a Deo latam atque sancitam.

7. Secundo, considerari potest in judicio ipsa pronuntiatio sententiae, quæ in judice aliquid includit pertinens ad intellectum, quod est talis cognitio causæ, quæ suo genere publica sit et sufficiens ad judicium ferendum ex vi illius. Unde ex hac cognitione sequitur hoc dictamen practicum, nimirum, hunc esse tali præmio vel poena dignum, consideratis ejus operibus, et cum æterna Dei lege mensuraque collatis. Præter hoc autem dictamen requiritur voluntas, quia, nisi hæc accedit, non obstante illo dictamine, poterit non ferri sententia pro meritorum dignitate, vel dispensando, vel condonando, si judex sit supremus, aut simul sit dominus, vel judicaria potestate abutendo; est ergo necessaria voluntas absoluta et efficax, qua judex vult hominem recipere præmium vel poenam, juxta illud dictamen quod ex cognitione causæ resultavit. Quia vero hæc voluntas non erit satis nisi sit efficax, requiritur ut non solum a voluntate, sed etiam a potestate superiori et jurisdictionis proficiscatur. Præter hæc autem nihil aliud ad verum actum judicii secundum se requiri potest aut intelligi necessarium; sed ad summum respectu aliorum, intervenire potest manifestatio sententiae, seu dictaminis aut voluntatis judicis, quæ fieri non potest, nisi per aliquam locutionem, vel sensibilem, si fiat ad homines, vel internam, et spiritualem, si ad Angelos vel ad animas fiat. Hæc autem omnia vere ac proprie in Christo homine inveniuntur. Nam imprimis in eo est perfecta cognitio totius causæ, id est, omnium humanarum actionum, et divinæ regulæ ac mensuræ, qua metiendæ sunt. Nam licet solus Deus ex se et essentialiter cognoscat a priori æquitatem et justitiam sui judicii, quia solus ex se habet dictare et definire quid unicuique operi tribuendum sit, ratione tamen unionis datum est animæ Christi, ut in

Verbo sufficienter videat hanc divinam voluntatem et definitionem, æquitatemque ac justitiam ejus. Sicut autem cognitio Dei, hoc ipso quod Dei est, summæ auctoritatis et publicæ ac manifestæ veritatis est, et ideo perse sufficit ad judicium ferendum, ita cognitio animæ Christi, hoc ipso quod est divinæ personæ in natura assumpta, habet sufficientem auctoritatem, et veritatem manifestam ad judicium ferendum, ex dignitate personæ participatam. Quia ab illa habet ut nec falli possit, nec fallere, maxime cum eam cognitionem habeat ex clara et perfecta Dei visione. Deinde potest etiam esse in Christo voluntas efficax ut retribuatur unicuique juxta opera sua, quia hæc voluntas justa est, et non superat Christi potestatem. Nam, licet voluntas humana Christi pendeat a divina, semper tamen sunt conformes; et ideo, quidquid Christus ut homo absolute vult, infallibiliter fit; hoc ergo satis est ut possit efficaciter velle et malorum poenam, et bonorum præmium; præterquam quod etiam efficacia sua potest hæc aliquando efficere, vel imperare, ut postea dicam. Præterea est in Christo ut homine potestas quedam dominii et jurisdictionis in universos homines et Angelos, ratione cuius, sicut potest ei imperare, et compellere eos ut jussa capessant, ita etiam potest juridice, et tanquam potestatem habens, dictare ac velle quid unicuique homini retribuendum sit juxta opera sua. Potest denique hanc suam voluntatem et judicium ita proferre ac manifestare aliis, ut ex vi illius cæteri compellantur ei subesse ac parere. Quia, licet in eo non sit suprema potestas, est quedam eminentis participatio ejus, atque illi in omnibus conformis, eique subordinata, sicut causa secunda primæ, vel sicut organum et instrumentum conjunctum principali agenti. Hæc ergo sufficiunt, ut in Christo sit propria et vera judicaria potestas.

8. Tertio, considerari potest in judicio aliquid veluti consequens sententiam judicis, nimirum, executio ipsius sententiae, et hanc non oportet fieri per se, ac proprie per judicariam potestatem, neque immediate ab ipso judice; sed satis est quod in judice sit vis et potestas imperandi talem executionem; quævis et efficacia in unoquoque judice erit proportionata potestati ejus. Nam in supremo ac principali judice, scilicet Deo, qui habet hanc potestatem in eminentissimo perfectionis gradu, tanta est hæc efficacia, ut ex vi solius voluntatis ejus infallibiliter sequatur

effectus, eo modo quo ipse vult; at vero in Christo ut homine, sicut est potestas judicaria secundaria, ita sufficit efficacia voluntatis et imperii etiam secundaria, et per modum instrumenti divinæ voluntatis, et hoc modo potest Christus etiam voluntate humana, vel præmium beatitudinis justis conferre, vel damnatos compellere, ut debitas luant poenas. Nihil ergo Christo deest ad veram et propriam judicariam potestatem. Et difficultas, quæ in contrarium objiciebatur, ex dictis soluta est, quia, licet Christus, ut homo proferendo ac promulgando sententiam suam, simul divinam sententiam promulget, quia sunt omnino conformes, vel potius quia sunt una, sicut actio instrumenti et principalis agentis una est, tamen non illam promulga solum ut recitans, sed etiam ut potestate sua imperans et faciens. Quia nihil repugnat Deum hanc potestatem communicare eo modo quo expositum est.

9. *Judicaria potestas in Christo qualis.* —

Ex dictis colligitur primo qualis sit hæc Christi potestas. Est enim inferior divina, et hoc sensu dici potest ministerialis; tamen est suprema inter omnes quæ creaturis communicatae sunt, et hoc modo vocari potest potestas judicaria singularis excellentiæ. Nam, si considerentur omnia quæ ad hanc potestatem in Christo concurrunt, in omnibus habet singularem excellentiam ac perfectionem; hec autem sunt, scientia, rectitudo voluntatis, infallibilis veritas, dominium, seu jurisdictionem, potestas, ac efficacia voluntatis, de quibus omnibus superiori tomo latissime dictum est. Unde etiam constat, hanc potestatem sub hac ratione et perfectione esse Christo propriam. An vero inferiori modo alii communicetur, dicemus postea agentes de judicio universalis.

10. *Judicaria potestas Christo cur data.* —

Secundo colligitur quo titulo conveniat Christo hæc judicaria potestas. Duo enim videntur esse necessaria ut alieni detur judicandi potestas. Primum, ut talis potestas communis bono necessaria sit vel conveniens. Potestas enim judicandi, præsertim in publicis causis, ad commune bonum per se primo ordinatur, et hoc est ante omnia supponendum. Quia, nisi necessarium esset judicium, nemini datur potestas judicandi propter solam dignitatem ejus tamen, supposita necessitate judicii ad commune bonum, ratione illius datur hæc potestas. Et tunc ulterius necessarium est ut in eo, cui tribuitur, concurrent

11. *Judicaria potestas ab instanti conceptionis Christo data.* — *Objectio.* — *Responsio.*

— Tertio potest colligi ex dictis, hanc potestatem judicariam secundum se, et quoad actuum primum, datam esse Christo ab initio incarnationis, sicut de dignitate capitis, et de omni potestate excellentiæ in priori tomo dictimus. Nam, cum hæc omnia debeantur Christo ratione unionis, sintque ipsi quasi connaturalia, simul omnia habuit cum ipsa unione, quia ad nostram redemptionem non fuit illi necessarium carere hujusmodi potestate aut dignitate. Christus autem non privavit humanitatem suam ullo bono vel perfec-